

crimine à summis ad infimos contribuant, quæ impositio ad prædictos usus olim conferri solita, nunc singulis lustris aut trienniis, quam cessantibus causis, exigi consuevit, at patienter sic ferente consuetudine toleratur.

Dominus Regionis hodiernus Donaldus Mackæus Ræ Baro, qui hanc longa serie à majoribus possessam, nunc ditione tenet, sicut & proxime dicendam Edirdacheulim.

A L I A

S T R A T H - N A V E R N I Æ

D E S C R I P T I O .

Strathnavernia Southerlandiæ, diplomate Regio, annexa, ejusque pars est: & eam Dominus Macky Ræ Baro, jure Comitum Southerlandiæ possidet: Separatur à Southerlandia montibus quibusdam ab ortu in occasum se porrigentibus.

Regio est gramine quam grano sæcundior: Propterea pecori alendo satis commoda. Hic boum armenta, & salmonum examina pene infinita sunt. Et nisi incolæ socordiæ & otio plus nimis essent dediti, multo felicior & fertilior reddi posset hæc Regio.

In Strathnavernia varia sunt promontoria, in Oceanum Septentrionalem procurentia, Erebol nempe, Hoip, Strathy; à variis quoque fluviis salmonum captura claris rigatur: præcipui sunt Halledel, Naver, five Far, Strathy, Torisdal, & Hoip. Durines autem & Edderachilis, quamvis ad Mackæum Ræ Dominum pertineant, proprie tamen in Strathnavernia non sunt. Duabus munitur Strathnavernia arcibus, Borye scilicet & Toung; quarum hæc Mackæorum sedes primaria est. In villa Far templum est Parochiale, Far nomine. In sacello autem Kirkebolensi, non ita pridem restaurato, sepeliuntur hujus familiæ Domini. Hic ingens est cervorum & damarum copia: & quamvis tota pene Regio in montes excelsos assurgat, (quorum omnium Tanebaind altissimus,) tamen pecori pascendo apta est. Strathnavernia ab ortu ad occasum longa triginta quatuor millia passuum: duodecim lata alicubi; alicubi vero sex tantum; ab austro in Septentrionem, Durinesi & Edderachili exclusis. Multi hic lacus, quorum præcipuus Logh-naver: in Logh-lyol insula est, temporibus æstivis habitationi dicata. Et circa littus in Oceano arctico variæ dispersæ sunt insulæ, nempe Ellan-Com, Ellan-Zeyl, Ellan-Roin, & Ellan-nirve.

E D D E R A C H I L I S

N O V A D E S C R I P T I O .

Edderachilis, portio terræ est in ora maritima occasum spectans; desertis rupibus imper-

Scotia.

via: & ad Kirkan-challigh Comitum Southerlandiæ limitibus contermina: & quamvis jam ad Mackæum pertineat, nunquam tamen Strathnaverniæ pars fuit; sed pars Baroniæ Skelbo in Southerlandia; & Edderachilim jure Comitum Southerlandiæ adhuc possidet Dominus Macky. In ea fluvius est, vulgo Laxford, ex quo Mackæus (five Macky) magnum habet salmonum proventum. Insula Ellan-Handey in mari Oceano, ad Edderachilim, vel potius ad Durinesin pertinet.

N O V A

D V R I N E S I I

D E S C R I P T I O .

Durines Baronia solo fruitur campestri & jucundo, qua occasum æstivum spectat; & licet eam hodie Mackæus Ræ Dominus jure Southerlandiæ Comitum in possessione habeat, ut ipsorum beneficiarius, ad Strathnaverniam tamen non pertinet: sed eam Comites Southerlandiæ ab Episcopo Catteynensi jure feodario possident. Hic dies æstivi sunt longissimi, neque nox fere ulla. Hinc recta navigantibus ad Polum arcticum nulla reperiri potest terra. Hic quoque est fluvius, vulgo Durines dictus.

S T R A T H - N A V E R N .

E X C A M B D E N O .

Extram totius Britanniae plagam, quæ obversa littorum fronte Arctum prospectat, & majoris Vrsæ mediam caudam, quam imperia transferre credidit Cardanus, sibi habet verticalem, tenuerunt, ut apud Ptolemæum videre est, Cornabii, inter quos Nabes flumen collocat: quæ nomina inter se ad-
eò sunt cognata, ut gens à flumine quod accoluit inde nomen traxisse videatur; nec ab his omnino alienum est hodiernum nomen Strathnavern, id est, Vallis ad Naver. Regio à glebæ fertilitate minus felix, injuriaque cœli rigentis minus culta, & inde à lupis sævissimis gravissime infestata, qui non solum in armenta maximo damno, sed etiam in homines magno periculo adeo immaniter grassantur, non modo in hoc, sed à pluribus etiam aliis Scotiæ partibus, ut ex Parlamentaria sanctione Vicecomites & incolæ in singulis Comitibus ter singulis annis ad lupos & [olim nunc non] ADDIT. eorum catulos tollendos venatum prodire jubentur. Sin in Arctoa hac regione hoc quid habeat consolationi, totius Britanniae minima nocte dieque maxima fruitur. Diem enim maximum ex distantia Lix graduum, & XL scrupulorum ab Æquatore habet XVII horarum, & xv scrupulorum, & minimam noctem v horarum

Cornabii.
Nabes fl.

C c c

rarum